

ხელშეკრულება გ.შ №24/22
მომსახურების გაწევის შესახებ

თბილისი

05 ივლისი 2022 წელი

ერთი მხრივ, სახელმწიფო აუდიტის სამსახურის სსიპ - საჯარო აუდიტის ინსტიტუტი (შემდგომში – შემსრულებელი), წარმოდგენილი მისი დირექტორის, **გელა წიკლაურის** სახით და მეორე მხრივ, საქართველოს რეგიონალური განვითარებისა და ინფრასტრუქტურის სამინისტრო (შემდგომში „დამკვეთი“) წარმოდგენილი მინისტრის პირველი მოადგილის **ილია ბეგიაშვილის** სახით, „სახელმწიფო აუდიტის სამსახურის შესახებ“ საქართველოს ორგანული კანონის IX¹ თავის, 36¹ მუხლის მე-7 პუნქტის, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტისა და შემსყიდველი ორგანიზაციის შესაბამისი სტრუქტურული ერთეულის - ადმინისტრაციული დეპარტამენტის უფროსის (პირველადი სტრუქტურული ერთეულის ხელმძღვანელი) 2022 წლის 29 ივნისის N 1746-01 მოხსენებითი ბარათის საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1 **ხელშეკრულება** - შემსრულებელსა და დამკვეთს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 **ხელშეკრულების ღირებულება** - თანხა, რომელიც უნდა გადაიხადოს დამკვეთმა შემსრულებლის მიერ ხელშეკრულებით ნაკისრი ვალდებულებების სრული და ხარისხიანი შესრულებისათვის.
- 1.3 **დღე, კვირა, თვე** - კალენდარული დღე, კვირა, თვე.

მუხლი 2. ხელშეკრულების საგანი

- 2.1 წინამდებარე ხელშეკრულების საგანია შემსრულებლის მხრიდან დამკვეთის მიერ წარმოდგენილი პირისათვის: ალექსანდრე მოწონელიძე - პ/ნ 60001013653, ადმინისტრაციული დეპარტამენტის უფროსი (პირველადი სტრუქტურული ერთეულის ხელმძღვანელი). 2022 წლის 20 – 22 ივლისს დაგეგმილი, ტრენინგკურსის “ორგანიზაციის საქმიანობის ეფექტიანობის შეფასება“, (CPV კოდი 80530000) მომსახურების გაწევა.
- 2.2 წინამდებარე ხელშეკრულების 2.1 პუნქტით განსაზღვრულ ტრენინგკურსზე რეგისტრაციის თარიღად ჩაითვლება შემსრულებელსა და დამკვეთს შორის გაფორმებული ხელშეკრულების თარიღი.

მუხლი 3. ხელშეკრულების ღირებულება და გადახდის პირობები

- 3.1 ხელშეკრულების ღირებულება შეადგენს **450.00 (ოთხასორმოცდაათი)** ლარს, დღგ-ის ჩათვლით.
- 3.2 ხელშეკრულებით განსაზღვრული თანხა წარმოადგენს ხელშეკრულების მე-2 მუხლში მითითებული პირი/პირებისთვის გასაწევი მომსახურების თანხას.
- 3.3 ხელშეკრულების 3.1. პუნქტით განსაზღვრული თანხის გადახდა უნდა განხორციელდეს მომსახურების მიწოდების შემდგომ, მხარეთა შორის მიღება-ჩაბარების აქტის საფუძველზე, მისი გაფორმებიდან 10 (ათი) სამუშაო დღის ვადაში.

მუხლი 4. მხარეთა ვალდებულებები

- 4.1 შემსრულებელი ვალდებულია დამკვეთს ხელშეკრულებით განსაზღვრული მომსახურება გაუწიოს ჯეროვნად, კეთილსინდისიერად, დათქმულ დროსა და ადგილას.
- 4.2 დამკვეთი ვალდებულია გადაუხადოს შემსრულებელს ხელშეკრულების საფასური ამ ხელშეკრულებით გათვალისწინებული პირობების შესაბამისად.

4.3 ხელშეკრულების 2.1 პუნქტში მითითებულ პირთა მიერ კურსის მიტოვების ან დაუსრულებლობის შემთხვევაში, დამკვეთი ვალდებულია შემსრულებელს აუნაზღაუროს 3.1. პუნქტში აღნიშნული თანხა.

მუხლი 5. მომსახურების გაწევის ადგილი და ვადები

5.1. მომსახურების გაწევის ადგილია - ქ. თბილისი, წმ ქეთევან დედოფლის გამზირი 96, (სახელმწიფო აუდიტის სამსახურის ადმინისტრაციული შენობა), ან დისტანციურად ელექტრონული ფორმატით.

5.2. ხელშეკრულების ძალაშია ხელმოწერის დღიდან და მოქმედებს 2022 წლის 30 სექტემბრის ჩათვლით.

მუხლი 6. ფორსმაჟორი

6.1. წინამდებარე ხელშეკრულებით გათვალისწინებული პასუხისმგებლობა არ დგება დაუძლეველი ძალის მოქმედების შემთხვევაში. მხარეები თავისუფლდებიან პასუხისმგებლობისაგან ვალდებულებების სრული და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის

7.1 მხარეები პასუხს აგებენ ერთმანეთის წინაშე, მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის.

7.2 თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე წერილობითი ფორმით აფრთხილებს, შეასრულოს ხელშეკრულების პირობები.

7.3 ხელშეკრულების ერთი მხარის მიერ ვალდებულებების შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნის შემდეგ, უფლება აქვს ცალმხრივად, ვადამდე შეწყვიტოს ხელშეკრულება.

მუხლი 8. ხელშეკრულების ძალაში შესვლა და მოქმედების ვადები

8.1. ხელშეკრულება ძალაში შედის მისი ხელმოწერის დღიდან და მოქმედებს მხარეების მიერ ამ ხელშეკრულებით ნაკისრი ვალდებულებების სრულად შესრულებამდე.

მუხლი 9. ხელშეკრულებაში ცვლილებების შეტანა

9.1. ხელშეკრულების პირობების ცვლილება შესაძლებელია ორივე მხარის წერილობითი შეთანხმებით რომელიც, წარმოადგენს ხელშეკრულების განუყოფელ ნაწილს.

მუხლი 10. დავების განხილვის წესი

10.1. ხელშეკრულების პირობების შეთანხმების მიუღწევლობის შემთხვევაში წარმოშობილი დავა განიხილება საქართველოს მოქმედი კანონმდებლობის შესაბამისად.

მუხლი 11. დამატებითი პირობები

- 11.1. არც ერთ მხარეს არ აქვს უფლება, მეორე მხარის წერილობითი თანხმობის გარეშე, თავისი უფლებები ან ვალდებულება გაასხვისოს, ან გადასცეს მესამე პირს.
- 11.2. მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.
- 11.3 მომსახურების მიღებას აწარმოებს: ადმინისტრაციული დეპარტამენტის უფროსი (პირველადი სტრუქტურული ერთეულის ხელმძღვანელი) ან/და ამავე დეპარტამენტის უფროსის მოადგილე (პირველადი სტრუქტურული ერთეულის ხელმძღვანელის მოადგილე) ან/და ამავე დეპარტამენტის მატერიალურ-ტექნიკური უზრუნველყოფის სამმართველოს უფროსი (მეორადი სტრუქტურული ერთეულის ხელმძღვანელი).
- 11.4 ხელშეკრულება შედგენილია ქართულ ენაზე, ელექტრონულად და დადასტურებულია კვალიფიციური ელექტრონული ხელმოწერით ან/და ელექტრონული შტამპით.

მხარეთა ხელმოწერები

შემსრულებელი	დამკვეთი
სსიპ – საჯარო აუდიტის ინსტიტუტი	საქართველოს რეგიონალური განვითარებისა და ინფრასტრუქტურის სამინისტრო
მისამართი: ქ. თბილისი, წმ. ქეთევან დედოფლის გამზ. №96 საიდენტიფიკაციო კოდი: 206350312 მიმღების ბანკი: სახელმწიფო ხაზინა მიმღების დასახელება: ხაზინის ერთიანი ანგარიში ბანკის კოდი: TRESGE22 მიმღების ანგარიში/სახაზინო კოდი: 707727122	მისამართი: ქ. თბილისი ალ.ყაზბეგის №12 ს/კ 204564845 საბანკო რეკვიზიტები: სახელმწიფო ხაზინა, ანგარიშის GE24NB0330100200165022, კოდი TRESGE22, წარმომადგენელი: ლევან ცერცვაძე ტელ.: 593439475 ელ. ფოსტა: l.tsertsvadze@mradi.gov.ge
გელა წიკლაური	ილია ბეგიაშვილი